

- коммерциялық ақпаратты жинап, өндеу, ақпараттық-маркетингтік қызмет көрсету;
 - инвестициялық қызмет, лизинг;
 - экспорттық-импорттық операциялар;
 - жеңіл автомашиналар, жүк машиналарын, автомотокөлікті, ауыл шаруашылық техникасын және басқа да автокөлік құралдары мен механизмдерін сатып алу және сату;
 - жеке меншік және жалға алынған жерлерде жеке сауда, комиссиялық сауда ұйымдастыру, фирмалық дүкендер ашу, өз өнімдерін және коммерциялық қызмет нәтижесінде алынған өнімдерді сату;
 - маркетинг, патентпен қамтамасыз ету, шаруашылықтың түрлі салаларында жаңа техника мен технологияны енгізу;
 - бөлшек сауда;
 - меншік сауда және қойма базасын дамыту;
 - ұн өнімдерін, қоспа жем, нан-тоқаш мен макарон өнімдерін өндіру мен сатып өткізу;
 - жанар-жағар май материалдарын, қатты отын сақтау жөнінде қызмет көрсету;
 - жылжымайтын мүлік объектілерін жалға беру;
 - су құю;
 - ҚР заңында тыйым салынбаған басқа да қызмет түрлері.
- Арнайы рұқсатты (лицензияны) талап ететін қызмет түрлері сол талап бойынша жүзеге асырылады.

4-бап. Серіктестікке қатысушылар.

4.1. Серіктестіктің қатысушылары оның құрылтайшылары, сондай-ақ ол құрылғаннан кейін серіктестік мүліктерінің үлес құқығына ие болған адамдар болып табылады.

4.2. Серіктестіктің жарғылық капиталға құқықты айғақтайтын құжат серіктестік қатысушыларды тіркеу қағазының көшірмесі болып табылады.

4.3. Серіктестікке қатысушылардың тіркеу қағазында қатысушының атауы, орналасқан жері, банктік реквизиттері (егер құрылтайшы заңды тұлға болса) немесе аты-жөні, тұрғын орны және тұлғасын куәландыратын құжат деректері (егер құрылтайшы жеке тұлға болса) көрсетіледі.

4.4. Қатысушылардың тіркеу қағазын жүргізуді осындай жұмысты жүргізуге рұқсаты бар құнды қағазды нарығының кәсіптік қатысушысы (тіркеуші) жүзеге асырады. Жауапкершілігі шектеулі серіктестік қатысушыларының тіркеу қағазын жүргізу тәртібі тіркеуші мен серіктестіктің келісімімен, сондай-ақ серіктестікке қатысушылардың тіркеу қағазын жүргізу жөніндегі қызметті реттейтін осы серіктестіктің ішкі құжаттарымен анықталады.

4.5. Қатысушыларға және бөлік иелеріне Серіктестіктің іс-әрекеті туралы мәліметті тәртібі мен мерзімі.

Серіктестіктің іс-әрекеті туралы мәлімет қатысушының немесе бөлік иелерінің жазбаша талабы негізінде беріледі. Серіктестіктің іс-әрекеті туралы мәлімет, қатысушының немесе бөлік иелерінің сәйкес жазба түрінде алған сәттен бастап күнтізбелік он күннің ішінде беріледі.

5-бап. Серіктестің жарғылық капиталы. Жарғылық капиталын өзгерту (өсіру немесе төмендету).

5.1. Серіктестіктің жарғылық капиталы серіктестіктің тіркелген сәтіне дейін толығымен төленген 593 446 000 (бес жүз тоқсан үш миллион төрт жүз қырық алты мың) теңгені құрайды.

5.2. Серіктестік мүлкіндегі Қатысушының үлесі Жарғылық капиталға қосқан салымына тең және ол пайыздық әрі сандық жинақпен есептеледі де серіктестік қатысушысының тіркеу қағазында көрсетіледі.

5.3. Серіктестіктің Жарғылық капиталдың өсуі келесі тәртіпте жүзеге асырылуы мүмкін:

- Серіктестік Қатысушысы өндірген қосымша салымға тең салым салу;
- Серіктестіктің өзінің капиталы есебінен, соның ішінде қорлық капитал есебінен Жарғылық капитал мөлшерін өсіру;